

## ¡BOMBA!

Ya que andamos en las netas y bajando comisiones, ¿estará entre las opciones bajar las de las tarjetas?



# K'uintsil

Martes 28 de abril de 2026

CAMPECHE · YUCATÁN · QUINTANA ROO · AÑO 11 · NÚMERO 2712 · [www.lajornadamaya.mx](http://www.lajornadamaya.mx)

## Kaxta'ab tumen INAH jump'éel úuchben maaya kaaj tu lu'umil Quintana Roo

U mola'ayil Instituto Nacional de Antropología e Historia (Inah) tu ts'áaj k'ajóoltbile' táan u beetik xaak'alo'ob ich El Jefeciño, jump'éel úuchben kúuchil tu'ux beeta'ab 80 u p'éel éedifisyóos, tu kaajil Othón P. Blanco, Quintana Roo.

Le kúuchilo', j-ila'ab tumen kajnáalo'ob, ts'o'oke' bin a'albil ti' jo'olpóopo'ob táan u beetiko'ob Proyecto de Salvamento Arqueológico Tren Maya, jo'olbesa'an tumen j-arkeologóo Manuel Pérez Rivas, tu jaatsil 1 ti' u tramoil 7.

Ichil yáax ba'alo'ob táan u ch'íikpajale' ti' El Jefeciño, u k'áaxile' ku p'isik kex 100 ektaareas, ba'ale' m'ín maas nojoch ti' le je'elo', le beetik k'a'anán u beeta'al uláak' xaak'alo'ob ti'al u jach je'ets'el beyka'aj

u nojochil, beyxan bix le kúuchilo'ob líik'sa'an te'elo', ichil uláak' ba'alo'ob, beey a'alab tumen Sonny Ojeda, máax ti' k'ubéenta'an ka utsuk meyaj Zona Arqueológica de Dzibanché Kinichná.

Tu ya'alaje' ichil ba'ax ch'íika'an tu beele', m'ín jbeeta'ab tu jaats k'iinilo'ob Clásico Temprano/Tardío (250-900 d.C.), tu'ux ch'íikpaj u estilo áarkitektonikoil Petén.

Diana Blancas, máax ti' k'ubéenta'an u yutsil meyaj Zona Arqueológica Kohunlich, múul meyajnaj yéetel Ojeda ichil u ja'abil 2023 yéetel 2024 ti'al u je'ets'el jach beyka'aj ts'aka'anil úuchben kaaj yéetel tak tu'ux naakal, tu ya'alaje': "béeychaj u yila'al bix yanik u k'íiwikil, tu'ux yaan jo'op'éel éedifisyóos, ku p'isik

ichil 11 tak 14 meetros u ka'analil, yéetel kex 16 tak 40 u chowakil. Le kúuchilo'obo' tsola'ano'ob yéetel u foormail jump'éel C. Tu kúuchil No. 53035, tu xaman-lak'inil kaaje', j-ila'ab yaan ka'ach jump'éel boonil pak' yéetel u xéexet' reestosil wíinik máax, m'ín, táakbesa'abob ti' muknal", tu ya'alaj.

Ajxaak'alo'obe' tu ya'alo'ob ma' ta'aka'ab mix jump'éel úuchben nu'ukuli', le beetike' ma' xan béeychaj u jach xak'alta'al tu beel tuláajal ba'ax kaxta'abi', tumen tak walkila' ti' laj p'ata'an ba'al te'el tu'ux kaxta'abo'.

/ P 15

Ts'íib yéetel oochel: INAH

